

# Faipati fakatasi

Tafao fakatasi pela foki mo taimi o aso katoa kola e fiafia fakatasi koutou mo tamaliki o faite taulotoga o 'gana. E se manakogina ke fakaavanoa ne koe ne taimi fakatea mo fai akoakoga.

Onoono kae fakalogo ki tamaliki kae faipati mo latou ki luga i mea kola e fiafia latou ki ei.

Te uke o pati e lagona ne te tamaliki, ko te maumea o tena taulotoga o te 'gana tena.



Faipati faeloa mo au ko te fakamalosiga o taku faipati, 'gana pela foki te iloa o faifaiga masani kae ka faite ei se fakavae malosi mo te fakaakoakoga o faitau.



E maua i konei te katoatoaga o fakamaoniga:

<https://tewhariki.tki.org.nz>



## Talking Together

### Te Kōrerorero

Faipatiga fakatasi



te 'gana Tuvalu

# Faipatiga fakatasi

## Faipati ki tau 'gana totino

Au tamaliki ko latou loa ko vave tauloto 'gana kae mafai o tauloto e silia atu i tasi o 'gana i te taimi e tasi.

Tau 'gana totino e taua kae se fakavaega maumea o te 'gana mo tamaliki ke mafai o fakamasiki ki nisi 'gana.

Taulotoga o te 'gana e tai leva foki loa. e masani loa te iloa mo te malamalama o tamaliki i se 'gana ke pela me kalafaga ki mua o mea e mafai o faipatigina io me fakaasi.

Tamaliki e masani loa o tuku fakatasi a vaega o te 'gana e faipati ne latou. Te mea tenei se auala masani loa o te taulotooga a latou i te 'gana.

E fano taimi, tamaliki ko tauloto a vaega kesekese o 'gana takitasi kae ka mafai ne latou o fakamasiki mai sua 'gana ki te sua 'gana e fakatau loa ki te tino tela e faipati latou ki ei.



## Leo mo pati tafao

Fakamasani ki tagi o leo mo pati e fesoasoani ki tamaliki ke iloa kae fakaaoga fakaleoga o 'gana (fakaigoa ki te phonological awareness), se kalafaga taua mo te taulotoga o faitau mo te tusitusi.

E mafai ne koe o fakafiafia ki te tafao ki gaugaleo mo fakaleoga i loto i pese, tala, tala toetoe, tala tamaliki, pela foki mo pese faite, fakaseasea mo tala fakakata.

## Te faiautauaga mo fakamatalaga o tala

Vaega tusi katoa mo tala e fesoasoani ke tamaliki ke fiafia kae ke fakamasani ki vaega pati, fuaipu mo tala toetoe.

Sautala ki tala o aso mai mua mo taimi ko teka e faite ne ia te mafaufau o tamaliki ke galue, mafaufau kae malamalama i mea o te lalolagi.

Se mea e lelei ke tuku tamaliki ke fiafia ia latou loa, ko te mea ke iloa ne latou mea fiafia ki ei mo mafaufauga kola e taua.

Nisi taimi tamaliki e fiafia ki te laupepa fua e tasi, onono fua ki ata io me manako o faitau te tusi e tasi faka fia taimi. E lei loa mana se oti tau tusi ne faitau i taimi katoa.

## Tala fakafoki foki

Te faipati ki mua ki tua ko te talitali atu ki pepe mo tamaliki foliki e taua mo te atiakega o lotou mafaufau.

Tamaliki e mafai foki o fakaaoga taaga fou, leo, pati mo faipatiga kae tauloto mo faipati fakasolosolo me fai pefea.

Koe e mafai o fesoasoani ki te fakasoko o te sautalaga i te kilo ki mau me nea mea a tamaliki e fai kae lavea.

Mafai ko oti tou taimi ne faipati, tuku ne avanoaga mo tamaliki ke tali i auala e iloa ne latou (ki leo, pati, mo fakaaogaaga o te foitino).

## Gana faia fakatasi mo taaga

Faipati fakatasi i mea o aso katoa e fesoasoani ki tamaliki ke malamalama i te lalolagi, tauloto pati fou, kae fakaaoga foki pefea, e mafai ne koe o fai mea uke ma fesoasoani ki tau tamaliki

- » Fai pati kae fakamatala me nea mea kola e tupu i ou tafa i taimi tena, maise loa mea kola e lavea ne tamaliki.
- » Fakamatala au mea e fai i te taimi loa e fai ei ne koe, pela mo te faipati loa ki luga a mea taki tasi kola ka fai ne koe ma fai au kuuka.
- » Fakaaoga pati kola loa sao mo igoa e fakaaoga kae fakaaoga vaega pati kesekese mo se mea tasi. Pela mo te , *"aku e fakamaa falaoa i loto i taku fakamaa. E lue ne au ki te fakaaotamai mo te fakamaui."*